



Inatsisartuni Ilaqutariinnermut Peqqissutsimullu Ataatsimiititaliaq

Isumaginnittoqarfiup aqunneqarnera aaqqissugaaneralu pillugit Inatsisartut peqqussutaata allanngortinneqarnissaanut Inatsisartut inatsisissaatut siunnersuutip tusarniaassutigineqarneranut suliatigut tapiliussamik akissuteqaat.

Siunnersuutip, pilersaarutit naapertorlugit juunip aallaqqaataani 2016 pingajussaaneerlugu suliarineqartussap, pitsaanerpaamik suliatigut suliarineqarnissaa anguniarlugu, inatsisissatut siunnersuutip ilanngussartai ilanngullugit misissorneqarnissaanut eqqartuussissuserisumik arlaannaannulluunniit attuumassuteqanngitsumik ikiortissarsisimavugut, tassunga tusarniaanermi nassuiaat aammalu eqqartuussissuserisup Hagel-Sørensenip nassuiaataa ilanngullugit.

Misissuisitsisimaneq taanna, Anders Valentiner-Branthimit suliarineqartoq tunngavigalugu nalilernerqarpoq, kommunip piginnaasaanik atorunnaarsitsinermi kommune illuatungiliuttuussasoq (soqutigisaqartutut inississasoq). Taamaattumik kommune soqutigisaqartutut tusarniaaffigineqarusuppoq, tunngavilersuuteqartoqarnissaa piumasarlugu. Ilanngullugu kommunip kissaatigaa taamatut aalajangiisoqartillugu eqqartuussivinni misiliisoqassappat inatsisitigut pisariaqartumik suliakkiissuteqarsinnaanissaq. Taamaalilluni atuuttussaajunnaarsitsinermi aalajangiinerit kommunip eqqartuussivinnut suliakkiissutigisinnaavai, taamaattumillu, inatsisissatut siunnersuutigineqartoq tunngavigalugu tamanna naammattuukulaneqassasoq ilimagineqarpoq.

Tamatumunnga inatsisissatut siunnersuummut suliareqqaarinninnerni, kommunit ataasiakkaat kommunip piginnaasaannik atuuttussaajunnaarsitsinerni soqutigisalittut illuatungiliuttuusassasut erseqqissaatigineqassasoq innersuussutigineqarpoq, aammalu aalajangiinerni tamakkunanani kommune eqqartuussivinnut suliakkiissuteqarnissamut misiliisinnaasoq.

Inatsisissatut siunnersuummi §7, imm. 1 peerneqassasoq innersuussutigineqarpoq. Suliani isumaginninnermut tunngasuni erseqqissumik pineqartuni Naalakkersuisut aalajangiinissartik kissaatigippassuk, piunasaqaatigineqartariaqarpoq, Naalakkersuisut aamma sulianut ataasiakkaanut ersarissumik immikkoortillugillu isummertarnissaat.

Inatsisissatut siunnersuummi oqaasertaliunneqartut malittarisassani paasissutissanut, suliarinneqqaarinerni takuneqarsinnaasunut naapertuuttuunissaa siunnersuutigineqarpoq.

Naalakkersuisut isumaginninnerup iluani inatsisinut tunaartaliornissaat siunnersuutigineqarpoq.

Kommune unioqqutitsilluni iliuseqarsimappat atuuttussaajunnaarsitsisoqarnissaanik erseqqilluinnartumik isummertoqartarnissaa siunnersuutigineqarpoq.

Inatsisissatut siunnersuummi atortuujunnaarsitsinissamut aaqqissuussineq call-in atorneqassasoq siunnersuutigineqarpoq. Taamatut siunnersuuteqarnermi inatsisissatut siunnersuummi matuma imarisaasa kingunerisaannik saqitsaassinerit aammalu aqutsinikkut inuillu pillugit paasissutissat pillugit suliassat eqqarsaatigalugit nalaatassat imaannaanngitsut minnerunngitsumik pinaveersaartinniameqarput. Nassuiaat tamakkiisoq ilanngupparput.

Nassuiaat suliatigut immikkut nalilersuissutitut pissarsiarineqarpoq. Qinikkat tusarniaavigineqarnerat tunngavigalugu saqqummiussaangilaq, aammalu ingerlateqqinneqannginnerani Kommunalbestyrelsimit politikikkut oqaluuserineqarnikuunngilaq. Kommuneqarfik Sermersuumilli assut pingaartinneqarpoq Naalakkersuisunit siunnersuutigineqartoq suli piukkunnarsaqqissasoq taavalu sapinngisamik ersarissuutinneqarluni, taamaattumik oqaaseqaat una maanna nassinneqarpoq.

Inussiamersumik Inuulluqqusillunga/
Med venlig hilsen

Aasi Chemnitz Narup
Borgmesteri

Steffen Ulrich-Lyng
Pisortaneq